



Blönduósi, 19.3.2026

Eftirfarandi eru tillögur Húnabyggðar að ályktunum á ársþingi SSVN 2026.

## 1. Fjölbrotarskóli Norðurlands vestra (FNV)

Húnabyggð leggur til að tekna verði til umræðu breytingar á framlögum sveitarfélaganna til byggingar á skólahúsnæði FNV. Rétt er að áréttta að Húnabyggð styður FNV í einu og öllu og leggur áherslu á að staðsetning skólans á okkar svæði er gríðarlega mikilvæg. Þar sem ábyrgð á framhaldsskólastiginu er alfarið hjá ríkinu er það gagnrýniverð að mati Húnabyggðar að hluti þess kostnaðar þ.e. er varðar byggingu húsnæðis sé á ábyrgð sveitarfélaganna. Þannig er þetta almennt ekki hvað varðar framhaldsskólastigið, heldur er hér mikið misræmi og í raun brot á jafnræðisreglu að minni sveitarfélög á landsbyggðinni þurfi að koma að þessum kostnaði sérstaklega. Þá er í okkar landshluta mikill munur á sveitarfélögum t.d. hvað varðar stærð og fjárhagslegan styrk og framlög Húnabyggðar í þetta verkefni hafa veruleg áhrif á efnahag sveitarfélagsins. Fyrirhugað framlag Húnabyggðar í þetta verkefni skerðir nauðsynlega þjónustu við íbúa og væri töluverður hluti af árlegri upphæð sveitarfélagsins hvað varðar fjárfestingaverkefni. Þá er einnig algjörlega óhæft hversu ónákvæm og opin kostnaðaráætlun verkefnisins er. Eignarhlutur í húsnæði sem kemur á móti þessari fjárfestingu er verðlaus fyrir Húnabyggð og engin leið að nýta þá fjárfestingu beint fyrir íbúa sveitarfélagsins, né að losa þá fjárfestingu yðri þess óskað. Ungmenni sem huga að verknámi í FNV frá sveitarfélaginu njóta vissulega góðs af, en lítil hluti ungmenna frá sveitarfélaginu fer í verknám í FNV, því þau sækja framhaldsnám mest á Akureyri og í Reykjavík. Það sveitarfélag sem nýtur góðs af stofnuninni umfram aðra er Skagafjörður en þar sitja eftir ýmiskonar beinar og óbeinar tekjur vegna þess umfangs sem FNV skapar í nærsamfélaginu. Það væri því eðlilegt að skoða breytta skiptingu á þessum kostnaði sem falla á sveitarfélögin á svæðinu og taka tillit til þeirra tekna sem koma á móti í sveitarfélögunum. Best væri eins og áður segir að ríkið taki fulla ábyrgð á uppbyggingu þessa skólastigs sem það sannarlega ber ábyrgð á.

## 2. Sameiginleg innviðastefna

Þrátt fyrir fögur fyrirheit t.d. í sóknaráætlun NV er það þannig að sveitarfélögin á svæðinu berjast hvert fyrir sínum hagsmunum er varðar grunninnviði sem ríkið ber ábyrgð á eins og t.d. er varðar samgöngur, orkumál og fjarskiptamál. Í öllum tilfellum er um grundvallar hagsmunamál íbúa NV að ræða og því mikilvægt að sveitarfélögin standi saman í þeirri hagsmunabaráttu sem nauðsynleg er í þessum málum. Áherslur í kjölfar síðustu ríkisstjórnarskipta í samgöngumálum er ágætt dæmi um að verkefni sem ekki hafði verið talað um að kæmi inn á svæðið varð að veruleika án þess að nokkur umræða færi fram milli sveitarfélaganna. Hér væri rétt að tala saman, stilla saman strengi o.s.frv. og breytingar sem geta komið upp séu þá ræddar og samþykktar áður en farið er af stað í hagsmunabaráttu einstakra verkefna. Að öðrum kosti eru stefnur og skýrslur unnar af SSVN lítið annað en orðin tóm. Þetta getur vissulega kallað á meiri vinnu milli sveitarfélaganna og mögulega átök/ágreining um forgangsröðun, en ef allt er rétt þá er það heilbriggt samtal sem betra er að taka en sleppa. Framtíðarhagsmunir þess fólk sem hér býr eru undir og mikilvægi samvinnunar því mikil og ábyrgðin sömuleiðis.

Þrátt fyrir að vera ekki eitt sveitarfélag þurfum við að hugsa þessi mál eins og að þannig væri staðan, annað kemur niður á framtíðarmöguleikum íbúa þessa svæðis til að skapa hagvöxt sem er öllu svæðinu til framdráttar.

f.h. Húnabyggðar

  
Pétur Arason, sveitarstjóri